

Ilinalathala ng Partido Komunista ng Pilipinas-Bagong Hukbong Bayan sa Rehiyong Bikol

REBOLUSYONARYONG
PANGMASANG
PAHAYAGAN
NG BIKOL

Especyal na Isyu
Marso 2006

Rebolusyonaryong Kilusan sa Bikol, Lahatang-Panig na Sumusulong

Ayon sa ulat ng Komiteng Rehiyon hinggil sa tatlong-taong pagtatasa ng mga gawain, lahatang-panig na sumusulong ang rebolusyonaryong kilusan sa Bikol. Nahigitan na nito ang inabot na lakas ng kilusang rebolusyonaryo noong unang hati ng taong 1987.

Mula 2001 hanggang 2004, nairehistro ang 35 porsyentong pagtaas sa bilang ng mga grupo at komiteng pang-organisa sa baryo.

Naitayo ang ilampung ganap na samahang masa sa lahat ng probinsya at may ilan nang paghahanda para sa pagtatayo ng pormal na organo ng kapangyarihang pampulitika sa antas munisipalidad. Umaabot sa 64 porsyento ang pagtaas sa bilang ng mga aktibistang masigasig na kumikilos sa mga saligang organisasyong masa at grupong pang-alyansa. Ang paglakas na ito ay nagdulot ng 37 porsyentong pagdami ng baseng masa sa rehiyon sa loob ng naturang tatlong taon.



sundan sa pahina 2

Rebolusyonaryong Kilusan sa Bikol, Sumusulong

Lumaki ng 18 porsyento ang kasapian ng hukbo. Nananatiling matatag, nagpupursige at mataas ang diwang mapanlaban ng mga pulang kumander at mandirigma ng Bagong Hukbong Bayan. Lumaki naman ng 70 porsyento ang kasapian ng milisyang bayan sa mga baryong saklaw ng mga larangang gerilya.

Halos 96 porsyento ng mga bayan at syudad sa Bikol ang nakikilusan ng mga larangang gerilya. Mahigit sa 50 porsyento ng kabuuang bilang ng mga baryo ang epektibong nakikilusan ng mga yunit ng hukbo. Umaabot sa 32 baryo ang karaniwang eryang sinasaklaw ng isang yunit ng BHB.

Malaki ang kakayahang magpapultaym sa hukbo at kakayanin pang mapalaki ang

rekluta dahil sa lawak ng baseng masa na siyang balon ng hukbo.

Patuloy na sumusulong at umuunlad ang hayag na kilusang masa at lumalawak ang inaabot ng gawain sa nagkakaisang prente. Papalaki ang mga mobilisasyong masa sa mga lansangan sa mga lungsod at sentrong bayan ng Kabikulan. Maging ang masang magsasaka sa kanayunan ay maramihang lumalahok sa mga kilos protesta para ilantad at labanan ang anti-mamamayang mga pakana ng reaksyunaryong rehimen. Mariin ding kinukundena ng mga Bikolano ang pang-aabusong militar at mga paglabag sa karapatang pantao.

Malalim na nakaugat ang pamumuno ng Partido sa batayang masa. Sa nakaraang tatlong taon, nagrehistro ng signipikanteng paglaki sa kasapian ng Partido sa kanayunan at kalunsuran. Matatag na nakakapamuno ang mga sangay ng Partido sa mga baryong interyor at maging sa panabihan ng mga haywey sa kanayunan. Nakatayo na rin ang mga sangay ng Partido sa mga eskwelahan, komunidad ng maralitang lunsod, magsasaka, mangingisda at manggagawa sa ilang pagawaan.

Armadong Pakikibaka sa Kanayunan, Dumadaluyong

Mula 2002 hanggang 2004, nakapaglunsad ng 224 na taktikal na opensiba sa buong rehiyon. Umabot sa 79 riple at 93 na maliksing baril ang nasamsam na armas ng mga pulang mandirigma. Nagdulot ito ng matinding dagok sa berdugong mga elemento ng AFP-PNP-CAFGU.

Karamihan sa mga taktikal na opensibang ito ay mahusay na ginampanan ng mga tim at iskwad ng BHB. May anim na operasyong laking kumpanya at 18 operasyong laking platon.



sundan sa pahina 3

Rebolusyonaryong Kilusan sa Bicol, Sumusulong

Tumampok ang matatagumpay na taktikal na opensiba. Sa Ligao City, nireyd ang nakahimpil na tropa ng Philippine Army sa Brgy Pinamanequian at ang SOT ng 22nd IB ng Philippine Army sa Brgy Oma-Oma. Sa Masbate, inambus ang tropa ng Philippine Air Force sa bayan ng Uson at ang mga elemento ng Provincial Police Mobile Force sa bayan ng Milagros. Sa Camarines Sur, inambus ang SOT ng 42nd IB sa bayan ng Tinambac. Nireyd ang Municipal Police Stations sa mga bayan ng Bagamanoc sa Catanduanes; Esperanza sa Masbate; San Lorenzo Ruiz sa Camarines Norte; Cabusao sa Camarines Sur; at isang sub-station sa Naga City.

Sa nakaraang tatlong taon, umabot sa 184 ang nalipol at may 61 sugatan sa mga tropa ng AFP-PNP-CAFGU. May dalawang elemento ng Philippine Army sa Camarines Sur at dalawang myembro ng CAFGU sa Albay na naging bihag ng digma. Muling pinatunayan sa karanasan ang kakayahan ng BHB na bumihag at mahusay na mangalaga ng mga bihag. Naging maayos at ligtas ang pagpapalaya.

Binigwasan din ng BHB ng mga aksyong isnayp at haras ang mga pasistang elemento ng Philippine Army. Epektibo ring naantala at nadiskaril ang mapanalasang mga operasyong SOT ng 9th ID nang kagyat na nakapaglunsad ng mga operasyong isnayp at haras na nagdulot ng pinsala sa kaaway. Sa Masbate, nag-AWOL ang mga CAFGU sa hinaras na mga detatsment.

Dahil mahusay na napanghawakan ang paborableng kalupaan at wastong disposisyon ng tropa, nabigo ang ilang tangkang pag-atake ng kaaway sa mga yunit ng BHB sa Masbate at Camarines Sur. May dalawang dependensibang labanan sa Albay kung saan sinuportahan ng isa pang malapit na yunit ang napalabang mga kasama kaya napaatras ang umatakeng kaaway. Sa Camarines Norte naman, mahusay na nakapagkontra-atake sa isang pagkubkob sa mga kasama kaya kinayang mai-reskyu ang sugatang kasama at maisalba ang mahahalagang kagamitan.

Nakapagsanay ng mga pulang kumander sa mga ilinunsad na mga taktikal na

opensiba at sa mahusay na manera sa mga dependensibang labanan. Matagumpay na ilinunsad sa Masbate ang isang pamprubinsyang kumperensyang pulitiko-militar na epektibong nakatulong sa pagpapaunlad ng gawaing militar.

Buong giting na linabanan at binigo ng BHB ang matitindi at malalaking operasyong militar laban sa rebolusyonaryong kilusan at mamamayan. Mahusay na naihanda ang baseng masa para sa pagkundena at paglaban sa mga abusong militar.

Bigo ang kaaway sa mga labanang militar at maging sa labanan sa pulitika. Mahusay ding hinarap ng mga yunit ng hukbo ang mga operasyong SOT ng kaaway.



sundan sa pahina 4



Pormasyong platun ang malaganap na pormasyon ng hukbo sa rehiyon. Ilang larangan na lamang ang nagmamantini ng pormasyong iskward para sa wastong pagharap sa kilos ng kaaway.

Ang mga platun ng BHB ay nagsasakatuparan ng gawaing masa sa mga eryang konsolidado at ekspansyon. Positibo ang resulta ng gawain ng mga platun dulot ng mas solido at konsolidadong kolektibo. Mas napataas ang kakayahang gumampan ng mga gawain at mas mahusay ang kapasidad ng yunit sa opensa at depensa. Naitayo na rin ang mga sentro de grabidad (SDG) sa antas larangan, prubinsya at rehiyon.

Sa ilang taktikal na opensiba, epektibong pinagsanib ang mga yunit ng SDG at iba pang platung gerilya upang makaipon ng superyor na lakas upang mabira ang mahina at nakahiwalay na pormasyon ng kaaway at maipagwagi ang labanan.

Masigla ang mga pampulitikang edukasyon ng mga pultaym sa hukbo. Bahagi rin ng paghubog sa kaalaman at kakayahan ng mga pulang mandirigma ang

pagbibigay ng pangkalahatang edukasyon sa literasiya. Nakapaglunsad din ng mga pagsasanay sa iba't ibang linya ng gawain. At nadagdagan ng isandaang porsyento ang mga upisyal militar at upisyal pampulitika sa hukbo.

Mahigpit na pinanghawakan ang disiplina at pagkakaisa sa loob ng hukbo. Puspusan itong naglilingkod sa sambayanan kaya nagtatamasa ng mainit na pagkalinga at suporta ng malawak na mamamayan.

Rebolusyong Agraryo at Programang Pangkagalingan sa Mamamayan, Sustinido

Aktibong lumalahok ang masang magsasaka sa kanayunan sa pagsusulong ng rebolusyong agraryo. Umaabot na sa 38,136 ektarya ang nalunsaran ng kampanyang masa sa pagpapababa ng upa sa lupa. Mahigit sa 10,000 pamilya ang nagtatamasa ng mga benepisyo sa rebolusyong agraryo. Patuloy na aktibong kumikilos at boluntaryong nag-aambag ng suporta sa armadong pakikibaka ang masang magsasaka sa kanayunan.

Dumami ang mga proyektong kooperatiba tulad ng tindahan, sakahan, pagbili ng kopra, at ilang pag-aalaga ng hayop. Kinakailangang palawakin pa at palalimin ang mga pag-aaral sa kilusang kooperatiba at sosyalismo.

Sa mga eryang kinikilusan, isinakatuparan ng mga yunit ng BHB ang pagbibigay ng iba't ibang serbisyo sa mamamayan tulad ng gawaing pamproduksyon at pagpapaunlad sa kabuhayan, serbisyong medikal at dental, at iba pang mga proyektong pangkagalingan.

sundan sa pahina 5

Rebolusyonaryong Kilusan sa Bicol, Sumusulong

Aktibo ring tumulong ang mga yunit ng hukbo sa mamamayang nasalanta ng bagyo, baha at pagputok ng bulkang Mayon. Umagapay din ang mga yunit ng BHB sa pagtulong sa masang magsasakang naging biktima ng mapanalasang mga operasyong militar sa kanayunan.

Rebolusyonaryong Baseng Masa, Lumalawak at Lumalalim

Ang masikhay na gawaing masa ay umani ng 37 porsyentong pagdami sa baseng masa sa nakaraang tatlong taon. Libu-libong masang magsasaka, kababaihan, kabataan at aktibistang pangkultura ang aktibong kumikilos sa mga saligang organisasyong masa sa kanayunan. Ang mapangahas na pagtatayo ng mga ganap na samahang masa ay nagkamit ng signipikanteng pagsulong para sa mas organisadong rebolusyonaryong pagkilos ng mamamayan. Sa ganitong antas ng organisasyong masa, kailangang isustini ang masiglang rebolusyonaryong aktibidad para sa pagpapataas ng antas ng pagsulong ng kilusang masa at armadong pakikibaka.

Tuluy-tuloy ang masiglang kilusang pag-aaral sa Pambansa Demokratikong Paaralan (PADEPA). Pangunahing ilinulunsad ang mga pag-aaral sa Maikling Kurso sa Lipunan at Rebolusyong Pilipino (MKLRP), na naglililaw sa rebolusyonaryong linya ng Partido at sa estratehiya at taktika ng rebolusyong Pilipino. Tinatalakay sa mga espesyal na kursong masa ang makauring interes ng magsasaka at manggagawa at ang sektoral na interes ng kababaihan at kabataan. Mahalagang napapag-aralan ang linya at mga patakaran ng Partido kaugnay sa reporma sa lupa, armadong pakikibaka at hukbong bayan. Mahalagang masapol ang prinsipyo sa nagkakaisang prente at NDF; pagtatayo ng demokratikong gubyernong bayan; usapang pangkapayapaan at ang mga aral sa

kilusang pagwawasto. Masigla rin ang pormal at impormal na mga grupong talakayan sa mga napapanahong isyu at sa pambansa at pandaigdigang mga kalagayan. Kailangang pasiglahin ang pag-aaral ng mga rebolusyonaryong awit at iba pang anyo ng sining at panitikan.

Ang lokal na mga makinarya sa instruksyon ang magtitiyak sa sustinidong kilusang pag-aaral. Nakakapagpagaan sa mga pag-aaral ang paggamit ng mga presentasyong bidyu at

pelikulang tulad ng *Buhay Masbatenyo*.

Kailangang magsanay pa ng paparaming instruktur mula sa hanay ng

masa

upang

mabilis

na

abutin

ang


daan-

daang

libong

baseng

masa at ilang milyong Bikolano.



Muog ng Rebolusyong Pangkultura, Ipinupundar sa Kanayunan

Sumigla ang pagpapalaganap at pagtuturo ng mga rebolusyonaryong kanta, tula, dula, tigsik at iba pang porma ng rebolusyonaryong sining at panitikan sa mga yunit ng hukbo. Malaking tulak sa pagbwelo ng pang-araw-araw na gawaing pangkultura ang mga ilinulunsad na palihan sa dulaan, panitikan at sining biswal. Nakapaglabas din ng bersyong audio ng Punla, ang panrehiyong dyornal ng rebolusyonaryong sining at panitikan.

sundan sa pahina 6

Rebolusyonaryong Kilusan sa Bikol, Sumusulong

Mainit ding tinangkilik ng malawak na masa at mga kasama ang *Bagati*, *Asolt* at iba pang mga bidyu produksyon ng *Isnayp*.

Sa Masbate, nalikha ang rebolusyonaryong pelikulang "*Buhay Masbatenyo*". Ipinapakita sa pelikula ang buhay at paglaban ng masang magsasaka. Tampok dito ang pagtutulungan ng hukbo at mamamayan laban sa despotikong PML at sa reaksyunaryong rehimen.

Sa mga kampanyang masa, ang mga pangkulturang aktibidad ay higit na nagpapasigla sa kilusang masa at nakapagpapataas sa diwang mapanlaban ng masang magsasaka sa kanayunan. Sa Camarines Norte, ang lundo ng anti-pyudal na kampanyang masa ay naging inspirasyon sa paglikha ng mga kantang rebolusyonaryo.

Nagparami at namahagi ng progresibo at rebolusyonaryong VCD ng mga bidyu-dokumentaryo at pelikula. Kailangan pang ihabol ang istable at sistematikong makinarya sa pagpaparami upang maipalaganap ang rebolusyonaryo at progresibong mga palabas sa mas malawak na masa.

Gawaing Propaganda at Kilusang Masa, Sumigla

Patuloy na pinaparami sa antas prubinsya at larangan ang *Ang Bayan*, bilang rebolusyonaryong pahayagan ng Partido Komunista ng Pilipinas na regular na lumalabas dalawang beses isang buwan. Subalit kinakailangan ding maitaas ang kakayahan sa gawaing reproduksyon nito.

Regular ding ilinalabas ang Silyab, ang panrehiyong pahayagan ng rebolusyonaryong kilusan sa Bikol. Ilinalabas ito bawat tatlong buwan, liban pa sa mga espesyal na isyu. Noong 2002, walong beses itong nakapaglabas.

Liban sa paglalathala ng mahahalagang pambansang isyu sa ating rebolusyonaryong pahayagan, mahusay rin nitong naisalarawan ang lokal na kalagayan at pagsusulong ng rebolusyonaryong pakikibaka sa rehiyon. Dapat makatulong ang mga may kakayahan sa pagsusulat para sa pag-aambag ng mga

ulat koresponsal. Kailangang maagap na maipaabot ang mga kalagayan at karanasan mula sa mga kinikilusang lugar.

Maramihan ding nakakaabot hanggang sa kanayunan ang progresibong pahayagang pangmasa na lingguhang linalathala.

Oktubre 2002, unang nakapagbrodka sa radyo ang Dagundong ng Bikol. Sa nakaraang dalawang taon, nakapagbrodka ito ng tatlong beses sa

bawat taon. Nitong 2004, ang paglabas ng bidyu bersyon ng Dagundong ay mainit na tinanggap ng mga kasama at masa. At bilang tugon na rin sa kahilingan ng mga tagasubaybay, ilinalabas na ito sa VCD format. Kailangan pang ihabol ang pagpaparami nito upang epektibong maabot ng rebolusyonaryong brodka ang lumalawak na baseng masa.

sundan sa pahina 7



Rebolusyonaryong Kilusan sa Bikol, Sumusulong

Kaalinsabay ng masiglang gawaing propaganda ang masiglang antipyudal na kilusang masa sa kanayunan. Sa prubinsya ng Masbate, ipinaglaban ng mga magsasaka ang kanilang karapatan laban sa malalaki at nasa kapangyarihang panginoong maylupa.



Sa Sorsogon, anim na beses na nagsagawa ng rali at negosasyong antas bayan at inter-bayan para sa pagpapababa ng kaltas sa resiko sa kopra. Ibinoykot ng mga magniniyog ang ilang komprada na nagmatigas sa kanilang mga kahilingan at nagawa ang malawak na gawaing alyansa para mapababa ang resikada sa malalaking komprada sa bayan. Naibaba ang resikada sa 14 hanggang 15 porsyento mula sa dating 20 hanggang 25 porsyento. Pati ang mga maniniyog sa kalapit bayan na nagdadala ng kopra sa lugar ay nabiyayaan ng kampanya.

Sa Camarines Sur, naisagawa din ang rali at negosasyon sa dalawang malalaking negosyante para sa pagpapataas ng presyo ng kopra. Pumayag ang isang negosyante na itaas ang presyo ng kopra, subalit nagmatigas ang isa pang malaking negosyante. Nailunsad din ang antas distritong kampanyang masa para sa pagpapababa ng upa sa lupa at pagpapataas ng presyo ng kopra.

Sumaklaw ito sa tatlong bayan na nagsagawa ng rali, petisyon signing, negosasyon sa mga panginoong maylupa

at mahusay na gawaing alyansa sa iba pang sektor sa mga bayan.

Sa Camarines Norte, ipinakita ng mamamayan ang mahigpit na pagkakaisa sa kampanyang masa sa pagpapataas ng sahod ng manggagawang bukid. Sa panahon ng boykot, hinimok nilang makiisa ang mga manggagawang bukid sa katabing mga baryo. Dahil dito, napresyur ang PML na ibigay ang kanilang kahilingan. Umani din ng mga tagumpay ang pakikibaka para sa pagpapataas ng sahod ng mga manggagawang bukid sa ibang prubinsya.

Sa Catanduanes, nagkaroon ng kilusang masa para sa pagpapataas ng presyo ng *bandala* at isinagawa ang kampanya laban sa pandaraya sa timbangan. Ang tagumpay sa pagkilos na ito ay labis na ikinagalak ng masang Catandunganon.

Naging madalas at masinsin ang rebolusyonaryong kilusang masa sa kalunsuran, at ang malalaking mobilisasyon sa mga tradisyunal na paggunita ng Araw ng Paggawa at Pandaigdigang Araw ng Karapatang Pantao. Nilahukan din ito ng mga magsasaka mula sa kanayunan.

sundan sa pahina 8

Rebolusyonaryong Kilusan sa Bikol, Sumusulong

Sumigla ang lokal at sektoral na mga pakikibakang masa liban pa sa multisektoral na mga pagkilos. Nagkaroon din ng ilang pambayang mobilisasyon. Ang mga mobilisasyong antas bayan ay nagkundena sa mga paglabag sa karapatang pantao sa kanayunan at kalunsuran. Nanawagan ito ng pagpapataas ng sahod ng manggagawang bukid, pagpapababa ng resikada at pagpapataas ng presyo ng kopra. May mga pagsisikap na mailunsad ang antas prubinsyang mga pagkilos, at nagkaroon ng antas munisipyo at inter-munisipyong mga pagkilos sa ilang prubinsya.

Matatag na Paglakas ng Partido sa Rehiyon

May signipikanteng paglaki sa bilang ng mga kasapi ng Partido mula sa batayang masang magsasaka at manggagawa sa kanayunan at kalunsuran ng Bikol. Ang mga abanteng aktibistang masa na narekluta sa Partido ay naipaloob sa mga sangay ng Partido sa lokalidad (SPL) at sa mga grupo ng Partido.

Patuloy ang pagtatayo ng mga komite ng Partido sa hanay ng hukbo. Matatag ang paglakas ng pamunuan ng Partido mula sa antas larangan, prubinsya hanggang rehiyon. Patuloy din ang pagtatayo ng bisig ng mga namumunong komite upang maging pantulong na mga istap.

Naitayo ang mga komiteng urban at mga komite sa puting purok sa mga sentrong lalawigan. Naitayo na rin ang mga panrehiyong bisig sa sektoral na kilusang masa at panggitnang pwersa; ang panrehiyong kawanihan sa magsasaka at mga pamprubinsyang istap sa magsasaka.

Mapangahas na naitayo ang matatag na pamunuan ng Partido sa pamamagitan ng pagsasanay at promosyon ng mga kadre.

Mahigit na ginagabayan at tumatalima sa prinsipyo at disiplina ng demokratikong sentralismo ang buong organisasyon ng Partido. Ito ang prinsipyong gabay sa pang-araw-araw na pamumuno ng Partido.

Pundasyon ng sustinidong pagsulong

ang matatag na konsolidasyon sa ideolohiya. Patuloy ang pagpupunyagi ng buong organisasyon ng Partido sa rehiyon sa pagpapalaganap at paglulunsad ng edukasyong pampartido. Mataas ang tantos ng napapatapos ng batayan at intermedyang kursong pampartido; mga dokumento sa kilusang

pagwawasto; at iba pang pampartidong pag-aaral.

Regular na naisasagawa ang pagpoprograma, mga pagtatasa at paglalagom ng gawain. Nakapaglunsad din ng mga pagsasanay sa iba't ibang linya ng gawain.

Mahusay na sandata ang regular at pana-panahong pamumuna at pagpuna sa sarili para sa pagpapanibagong hubog ng mga kasapi ng Partido. Mahigpit nitong pinagkakaisa ang buong organisasyon sa prinsipyo ng simpleng pamumuhay, pagpunyagi sa pakikibaka at pagkapit sa disiplina at katatagan sa paninindigan.

Batay sa inaabot na lakas ng kilusang rebolusyonaryo sa Bikol, tiyak na susulong pa ito sa mas mataas na antas.

S



Pagpapatuloy ng Pagsulong sa Taong 2005

Armadong pakikibaka

Ang kasalukuyang lakas-tauhan at mga sandata ng BHB sa Bikol ay nasa katayuan upang isakatuparan ang panawagan ng Partido Komunista ng Pilipinas na higit pang paigtingin ang malaganap at masinsing pakikidigmang gerilya, batay sa patuloy na lumalawak at lumalalim na baseng masa. Ang kakayahang magrekluta dahil sa malaki at malawak na baseng masa at ang mapapalitaw na mga armas sa mga taktikal na opensiba ay magiging daan sa pagpapalaki at pagbubuo ng mga karagdagang pormasyon ng BHB sa rehiyon.

Noong taong 2005 laluna sa huling apat na buwan, katulad ng sa pambansang antas, ipinamalas ng mga yunit ng BHB sa rehiyon ang wala pang katulad sa kasaysayan na lawak at dalas ng mga taktikal na opensiba. Bagama't ang karamihan ay maliliit na taktikal na opensiba. Sa buong taon ay nakapag lunsad ng mahigit sa 137 taktikal na opensiba; nakakumpiska ng 15 malalakas na sandata; 17 maliksing baril; at nakapatay ng 76 kaaway at may 36 nasugatan.

Dahil sa inabot na kakayahan at lakas ng BHB, malawak na suporta ng mamamayan, at napakapaborableng kalagayan sa rebolusyunaryong pakikibaka, sisikapin na malampasan pa ang mga inabot na tagumpay sa paglulunsad ng TO. Ibayong mapapalakas ang BHB, mabibigyan ng dagok at mapapahina ang AFP-PNP at makakapag-ambag sa pagpapabagsak sa rehimeng US-GMA.

Naisagawa ang mga operasyong partisano laban sa mga ahente ng AFP at PNP sa mga lungsod at sentrong bayan, upang singilin sa mga pagkakautang ng dugo sa mamamayan, sa rebolusyunaryong kilusan at sa pagiging sagadsaring kontra-rebolusyon.



Pagtatayo ng Base

Nagpapatuloy ang pagtatag at paglawak ng baseng masa, kahit pa pinatitindi ng rehimeng US-GMA at ng mersenaryong AFP-PNP ang pag-atake at pandarahas sa mamamayan. Nagkukumahog ang rehimen na mapahina ang pampulitikang istruktura sa mga lokalidad at ang suporta ng masa sa rebolusyunaryong kilusan. Ngunit hindi kinakayang saklawin ng mga operasyon ng kaaway ang malawak na lugar na kinikilusan ng BHB. Habang sinisikap na harapin ang matinding operasyon ng kaaway sa ilang lugar, sa mga lugar namang relatibong maluwag sa kilos ng kaaway ay nakakapagpaunlad at nakakapagpalawak ng gawaing masa. Bawat taon ay may ilang libung naidadagdag sa mga organisadong masa. Hindi ito kasing laki kumpara sa mga nakaraang taon dahil sa mas pagtutok sa bumibigat na gawaing konsolidasyon.

Rebolusyong Agraryo

Sa taong 2005, dumagdag ng mahigit 5,000 ang mga nabiyayaan ng rebolusyong agraryo, partikular ang kampanya sa pagpapababa ng upa sa lupa.

sundan sa pahina 10

Pagpapatuloy ng Pagsulong sa Taong 2005

Sa kabuuan, mahigit na sa 15,000 pamilyang magsasaka ang nagtatamasa ng biyaya ng mas mababang upa sa lupa. Pinasisigla naman ang mga kampanya sa pagpapaunlad at pagpapataas ng produktibidad ng lupaing saklaw ng RA at sa mga lugar na inaabot ng mga yunit ng BHB.

Sa Catanduanes noong nakaraang taon, mahigit sa 4,000 ang naturuan sa iba't ibang sistema ng pagtanim ng mga gulayin at iba pang pangkonsumong pananim. Pinamahagian din sila ng mga binhing pantanim. Sa pagtutulungan ng mga organisadong masa at sa pakikipag-alyansa, sinisikap na magkaroon ng mga dagdag na pagkakitaan ang mamamayan sa Catanduanes, kagaya ng pagyayaring-kamay, pag-aalaga ng hayop, at pagbubukas ng mga bagong tubigan.

Gawaing masa sa kalunsuran

Sumusulong at umaani ng mga tagumapay ang mga gawain sa kalunsuran. Lumaki ang mga kasapian ng mga sektoral at multisektoral na organisasyon at alyansa. Sa mga hayag at ligal na mobilisasyon, dinala ang mga batayang isyu ng masang anakpawis. Ilan sa mga isyung ito ay ang paglaban sa militarisasyon, paglaban sa walang habas na pagmimina, pagkundena sa pamamaslang ng mga lider at kasapi ng mga progresibong organisasyon, at iba pang isyung pambansa at lokal. Tuluy-tuloy at papalaki ang mga mobilisasyon sa

pagpapataksik sa pekeng presidenteng si Gloria Macapagal-Arroyo.

Ang mga panghaharas at pagpaslang sa mga lider at aktibistang masa ng mga buhong na AFP-PNP ay hindi nakahadlang sa pagnanais ng mamamayang ipaglaban ang mga demokratikong karapatan, sa paglalantad at pagkundena sa kabulukan katiwalian at kurapsyon sa rehimeng US-GMA at sa tumitinding militarisasyon sa kanayunan at kalunsuran. Gayundin, sa kampanyang patalsikin ang rehimeng US-GMA. Naging hamon at nagsikap na higit pang palakasin ang mga pakikibakang masa, hindi lamang para mapataksik sa pwesto ang rehimeng US-GMA, kundi ang pagkakaroon ng saligang pagbabago sa sistemang sosyal at panlipunan.


Pagpapalakas ng Partido

Nanatiling buo at dumagdag pa ang mga organo at yunit ng Partido mula sa antas rehiyon hanggang sa mga lokalidad at wala ni-isa mang nawasak ang malalaki at tuluy-tuloy na pang-aatake ng AFP-PNP sa nakaraang taon. Dumagdag ang mga kadre at kasapian ng Partido ng ilang

daan. Ito ang mga pagmumulan sa pagpapalaki ng mga organo at mga istap sa linya ng mga gawain; at sa mga karagdagang bubuuin pang yunit ng Partido.

Makaraan ang isinagawang plenum ng Komiteng rehiyon, matagumpay na naisakatuparan ang mga pulong ng mga komite sa ilalim nito. Naisagawa rin ang mga pag-aaral, pagsasanay at ilang kumperensya.

sundan sa pahina 11



Kampanyang Militar ng 9th ID sa Bikol

Sa balangkas ng Oplan Bantay Laya I at II, tinukoy ang rehiyong Bikol bilang isa sa mga prayoridad na rehiyon sa kampanya sa pagdurog diumano sa buong rebolusyonaryong kilusan. Direktang pinapangasiwaan ng Southern Luzon Command ng AFP ang kampanyang militar ng mga brigada na nasa ilalim ng 9th ID sa Bikol.

Ang kampanyang militar ay serye o isahang bigwas ng magkakaugnay at koordinadong mga sakyada ng isang kumand ng militar sa saklaw nitong erya. Isinasagawa ang mga operasyon batay na sa disenyo ng Oplan Bantay Laya.

Sa Sorsogon at Masbate nakapokus ang kampanyang militar ng 901st Brigade sa Hilagang Kanluran ng Sorsogon at mainland ng Masbate. Umabot sa sampung kumpanya ng tropa ng kaaway ang ikinasa dito. Kasabay sa malupit na mga operasyong militar ang 92nd Recon Coy, 8th Scout Ranger Coy, 2nd IB, Bravo Coy ng RMG at anim na kumpanya ng PMG.

Mula Disyembre 2006 hanggang sa kasalukuyan, pinatindi ang mabangis na pasistang atake ng SOT ng 31st IB sa bayan ng Castilla. Tuluy-tuloy din ang militarisasyon sa mga bayan ng Pilar, Magallanes, Juban, Matnog at bahagi ng Bulan at Irosin sa Sorsogon.

Ang Masbate na dating may isang kumpanya ng 2nd IB ay dinagdagan pa ng

isang kumpanya mula sa parehong batalyon at sa 9th IB. Reaksyon ito sa labanang nangyari sa bayan ng San Fernando sa isla ng Ticao at reyde sa Filminera Mining Corp sa bayan ng Aroroy. Sinuperbisa mismo ng SOLCOM ang *hot pursuit operations* at mga sumunod na *combat operations* sa erya. Ginawa ring palusot ang eleksyon para patindihin ang militarisasyon. Pinakatan din ito ng dagdag na mga operatiba mula sa mga yunit ng Military Intelligence Group at Military Intelligence Company.

Sa Camarines Sur at Norte naman nakapokus ang kampanyang militar ng 902nd Brigade. Simula Pebrero hanggang Agosto 2006, sustinido ang mga laking kumpanyang operasyon sa mga bayang nakapaligid at sumasaklaw sa kabundukan ng Tangcong Vaca kasabay ng mga laking kumpanya ding operasyon ng 31st IB sa mga bayan ng Sipocot, Ragay, Lupi at Del Gallego.

Mula Setyembre 2006 hanggang sa kasalukuyan, nananalasa ang kampanyang militar ng 902nd Brigade mula sa bayan ng Bula at unang distrito ng Camarines Sur hanggang sa ilang magubat na bahagi ng bayan ng Labo, Camarines Norte. Kinasahan ng SOT mula sa 42nd IB ang Bula, Camarines Sur. Hindi naman tinantanan ng mga operasyong kombatan ang mga bayan ng Buhi at Bato.

sundan sa pahina 12

Pagpapatuloy ng Pagsulong sa Taong 2005

Nakapag-ambag ang Bikol ng ilampung kadre at kasapi ng Partido sa ibang lugar at mga linya ng gawain.

Kinilala at pinahalagahan ang mga kadre at kasapi ng Partido at masa na naging martir sa nakaraang taon. Humango mula sa kanila ng mabubuting aral at nagsilbing inspirasyon sila sa walang kapagurang pagtupad ng mga gawain at sa paglilingkod sa mamamayan.

Nasa katayuan ang ating Partido sa rehiyon upang isakatuparan ang mga plano at atas ng Komite Sentral, ang pambansang pamunuan ng PKP.

S

Kampanyang Militar ng 9th ID sa Bikol


Patuloy na ginagamit ang mga tropa ng Regional Mobile Group, Provincial Mobile Group at Special Action Force ng PNP- Region 5 sa mga operasyong kontra-insurhensya.

Pakat Kaaway sa Rehiyon

Sinasaklaw ng 9th Infantry Division Philippine Army ang buong Bikol. Ang Masbate, na dating ipinailalim sa 8th ID noong huling kwarto ng 2004, ay muling sinaklaw ng 9th ID noong 2006. Ang 9th ID ay nakabase sa Kuta Elias Angeles sa Sityo Kabukludan, Brgy San Jose, Pili, Camarines Sur. Sa kalagitnaan ng taong 2006, dinagdagan ang tropa nito ng isang batalyon mula sa Bukidnon, ang 9th IB.

Sa ilalim nito ay ang 901st IBde na nakabase sa Brgy Villa Hermosa, Daraga, Albay at ang 902nd IBde na nakabase sa Brgy Tulay na Lupa, Labo, Camarines Norte. Tuwiran ding nakapailalim sa 9th ID ang 22nd IB PA, na itinakdang Cadre Battalion. Ito ang *mother unit* ng lahat ng CAFGU detatsment sa buong Bikol. Tinawag itong Cadre Battalion dahil nagsisilbing tagasanay at tagapangasiwa sa mga yunit at personel ng CAFGU. Inilalagay lamang sa kontrol ng pinakamalapit na kumpanya ng army ang mga detatsment para madirehe ang araw-araw nitong aktibidad.

Direktang nakapailalim sa kumand ng dibisyon ang mga istap o yunit sa serbisyo tulad ng yunit sa treyning, medikal, civil affairs, Civil-Military Operation, signal battalion, mga yunit ng intel at iba pa. Nasa kumand nito ang 3rd Scout Ranger Battalion (SRB) at ang 565th Engineering and Construction Battalion (ECB). Nasa kumand din ng 9th ID ang 91st at 92nd Recon Coy para sa madaliang deployment sa mga eryl yang kailangan ng kagyat na suporta sa



operasyon. Dahil binibigyang diin sa kasalukuyan ang Sorsogon, ipinakat sa prubinsya ang 92nd Recon Coy na dating nasa Camarines Sur.

Saklaw ng operasyon ng 901st IBde ang mga prubinsya ng Sorsogon, Albay at Masbate. Bumubwelo sa Sorsogon ang bagong pakat na 9th IB habang nakakonsentra ang kalakhan ng pwersa ng 2nd IB sa Masbate. Nananatili ang 65th IB sa Albay, na may pinakamaraming magkakalapit na detatsment ng CAFGU. Nakapwesto naman sa Catanduanes ang Alpha Coy ng 65th IB.

Nasa kontrol ng 902nd IBde ang mga lalawigan ng Camarines Norte at Sur. Gustong imantini ng 31st IB ang imahe sa sigasig sa operasyon sa Camarines Norte at unang distrito ng Camarines Sur. Humahabol naman ang 42nd IB na makamit ang parehong imahe. Nasa ikatlong distrito naman ng Camarines Sur ang hedkwarters ng 22nd Cadre Battalion.

S